

重刊道藏輯要

三洞眾戒文卷上

三洞弟子京太清觀道士張萬福編錄

始起心入道三歸戒文

出太  
玄部

元始天尊告太上大道君曰夫道冥而無也動而有也布炁行  
神眾兆生也抱一含元虛無空寂文應象成包真吐精稟識作  
狀迴黃化青乘機赴會緣感物情吾故告汝塞耳心聽道者眾  
物祖首至無生神造化天地日月山川流精散炁無所不之遠  
而莫極邇難得窮大無不包細無不入經緯宇宙潤洽毛髮守  
之清虛悟之神明淡泊不渝躁聒勿譁常在不亡虛通無闕載

道藏輯要

三洞眾戒文

三

張集二

劫詎易永世為範可以保神可以守身可以治國可以得仙道  
經師者眾常通也抑惡舉善戒人天也身神命者生妙寶也迴  
元轉化根聖真也身權假也精構炁凝歸於虛寂神附託也道  
行生存歸於常命自來也飲食呼吸歸於眾罪福緣對善惡吉  
凶從之興羣形生化變幻浮虛不可保久歸之於道經師若赤  
子歸母眾物依地不可須臾失戒天不用此道不能運行地不  
用此道不能載植日月不用此道不能明照陰陽不用此道不  
能生化鬼神不用此道不能徹視君長不用此道不能治理道  
士不用此道戒不能常在三道神妙長生可守太上大道君稽  
首上白天尊曰願以此道教諸天人於是熿百和寶香奏鈞天

廣樂眾眞散花諸天齊到命諸男女伏受三歸依戒

第一戒者歸身太上無極大道

第二戒者歸神三十六部尊經

第三戒者歸命玄中大法師

天尊曰三歸戒者天地之樞紐神仙之根柢發行之初門建心之元兆運炁啟靈冥眞入理包羅有象朕形無外持之者天地神明慶快心智耳目開張萬物敬畏六府和樂眾眞衛護羣生父母長世不遣人神交泰

### 弟子奉師科戒文

弟子別師經月皆冠帶執簡問訊不得白服弟子別師經宿皆

道藏輯要

三洞眾戒文

完

張集二

禮拜長跪還亦如之弟子不得向師稱弟子言皆稱名弟子詣師不得專輒而坐命坐方坐弟子不得喚師作道士皆云家師弟子不得犯師名諱若人問不止上下聲答之弟子不得唐突師左右皆有司察之官弟子見師有過失當於深隱處長跪諫之不得在人前言師是非醜鄙弟子與師言不得高聲大語弟子與師共室不得先臥在後起弟子與師同食不得在師前食聽在前止弟子問訊師皆當隨其所受高下巾褐執簡不得趣爾白服弟子隨師起居行止皆當謙卑恭敬不得斯須無敬弟子事師師年少弟子年高弟子皆應恭敬譬如官長二千石父母同等不得自恃高貴輕忽於師其關不小具載明眞科弟子與

師同在席坐師若起動行止弟子卽須倚立不得安然端坐弟子先未受法戒或炁類齊等或復耆年或是姓從兄弟子孫後詣師受法皆須謙卑恭敬言皆稱名不得比常弟子與師親服總麻者皆不得相爲師所以爾者受法皆證三曾七祖父母來監臨子孫所受若違盟九祖受考殃及受法之身弟子不得忿嫉責怒師主及懷恨在心罪科具出明真經弟子詣師請道法皆當冠帶執簡謙苦求請不得越爾弟子與師別經年月朔皆冠帶執簡禮三拜長跪問訊訖復再拜合成五拜別亦如之明各識焉弟子不得與師爭口忽忽哂意弟子事師皆當恭敬不得傲慢無禮罰在明真經中宜各慎之弟子不得與師爭競功

道藏輯要

三洞眾戒文

卑

張集一  
又又又

名無有推讓之心弟子詣師當請問所受不得論及私鄙弟子事師師若遠行還弟子皆當隨路遠近奉迎不得端坐晏然待師至弟子與師同行不得踐師影慎之弟子與師共在座不得受人跪拜所以爾者座無二尊弟子不得陰行橫勃忿鬪師主弟子若出入及所營作每先諮問於師不得自專弟子事師皆當恩愛信實不得猶豫二心弟子不得竊盜發泄師器箴中犯師禁戒科律得罪弟子不得背叛師主慎之具在明真經文弟子與師同處不得洩唾左右慎之弟子侍從師若值賓客弟子侍衛師左右不得高抗大坐與凡俗無別皆入不孝慎之弟子受師法業後玄德成就爲人所宗皆當謙下存憶本師勿忘先

恩也弟子事師不得輒坐師牀席處所神司之禁也  
右弟子奉師科戒合三十六條

道藏輯要

三洞眾戒文

聖

張集二

正一天師清微弟子共百堅製作

道教學術資訊網站